



WWW.MY.GOV.GE

ს ა ი ნ ფ ო რ მ ა ც ი ო ფ უ რ ც ე ლ ი

გამოშვება #59

ნოემბერი, 2017

გამოშვებაში წაიკითხავთ

GITI 2017

1

კიბერუსაფრთხოებისა და კიბერდანაშაულის სამხრეთ-დასავლეთ ევროპის მე-4 რეგიონული კონფერენცია

3

სამუშაო შეხვედრები ნატოს (NATO) შტაბ-ბინაში

3

“CYBER-EXE საქართველო 2017“ -

4

კიბერსავარჯიშო საჯარო და კერძო ორგანიზაციების წარმომადგენლებსთვის

საქართველოს კიბერუსაფრთხოებისა და ინფორმაციული ტექნოლოგიების განვითარების მე-10 საიუბილეო რეგიონული კონფერენცია - „GITI 2017“



საქართველოს იუსტიციის სამინისტროს მმართველობის სფეროში შემავალი საჯარო სამართლის იურიდიული პირის - „მონაცემთა გაცვლის სააგენტოს“ და „ICT ბიზნეს საბჭოს“ ორგანიზებით სასტუმრო „ჰოტელს & პრეფერენს ჰუალინგ თბილისში“ რიგით მე-10 ყოველწლიური რეგიონული კონფერენცია (გამოფენა, დაჯილდოება) გაიმართა,

რომლის მთავარი თემა კიბერუსაფრთხოებასთან დაკავშირებული საკითხები და ინფორმაციული ტექნოლოგიების განვითარების მიმართულებები იყო. კონფერენცია წლის საუკეთესო IT პროექტების ავტორთა დაჯილდოების ცერემონიალით 17 ნოემბერს დასრულდა.

ყოველწლიურ კონფერენციას უკვე მოპოვებული აქვს საერთაშორისო აღიარება როგორც ინფორმაციულ-საკომუნიკაციო სფეროში ერთ-ერთ წამყვან ღონისძიებას, რომელსაც საქართველო მასპინძლობს.

კონფერენციის დამსახურებით, წლიდან-წლამდე უმჯობესდება ინოვაციური პროექტების ხარისხი, რაც უზრუნველყოფს მოქალაქეებისთვის უკეთესი ელექტრონული სერვისების ხელმისაწვდომობას.

ღონისძიება, ტრადიციულად, საქართველოს იუსტიციის მინისტრმა თვა წულუკიანმა გახსნა (გაგრძელება გვ. 2):



www.justice.gov.ge



www.house.gov.ge



www.my.gov.ge



www.sda.gov.ge



www.napr.gov.ge




www.archives.gov.ge



www.nbe.gov.ge



www.notary.ge



www.matsne.gov.ge



www.eauction.ge



www.tbilisi.gov.ge

(გაგრძელება. დასაწყისი გვ. 1) თეა წულუკიანის თქმით, 2008 წლის აგვისტოს ომის შემდეგ დაფუძნებული კონფერენცია წლიდან წლამდე სულ უფრო მეტ სტუმარს მასპინძლობს: „დღეს ჩვენ გვყავს მონაწილეთა რეკორდული მაჩვენებელი, რომლებიც არა მხოლოდ მეზობელი, არამედ შორი ქვეყნებიდანაც გესტუმრნენ. დღეისათვის თამამად შეიძლება ითქვას, რომ საქართველოს იუსტიციის სამინისტროს „მონაცემთა გაცვლის სააგენტოსა“ და „ICT ბიზნესსაბჭოს“ ორგანიზებით გამართული ღონისძიება ინფორმაციული ტექნოლოგიებისა და კიბერუსაფრთხოების სფეროში რეგიონული მასშტაბის ერთ-ერთი ყველაზე მნიშვნელოვანი მოვლენაა, რომელიც თავს უყრის ინფორმაციულ-საკომუნიკაციო სფეროში ამერიკის, ევროპისა და აზიის ქვეყნების წამყვან მოთამაშეებს, სამთავრობო სტრუქტურების წარმომადგენლებსა და ექსპერტებს. მნიშვნელოვანია, რომ კონფერენციამ თავისი არსებობის განმავლობაში შექმნა საჯარო და კერძო სექტორების პარტნიორობის უნიკალური მოდელი, რომლის მიხედვითაც, ორივე მხარე ქვეყნისთვის მნიშვნელოვანი მიმართულების განვითარებისთვის ერთობლივი ძალისხმევით მუშაობს“, – აღნიშნა იუსტიციის მინისტრმა.

წლებანდელი კონფერენცია, რომლის დევიზია „პარტნიორობა კონკურენციის, ინოვაციებისა და კიბერუსაფრთხოებისთვის“, რეკორდული რაოდენობის სტუმარს მასპინძლობს. კონფერენციის მუშაობაში მონაწილეობა მსოფლიოს 30-ზე მეტი ქვეყნის 600-მდე წარმომადგენელმა, რომლებმაც განიხილეს კიბერუსაფრთხოებისა და ინფორმაციული ტექნოლოგიების განვითარების საკითხები, წარმოადგინეს წლის განმავლობაში შემუშავებულ ინოვაციურ IT პროექტები და გაეცნენ აღნიშნული მიმართულებით ამა თუ იმ ქვეყნის მიერ მიღწეულ წარმატებებს.

კონფერენციაზე განსაკუთრებული ყურადღება დაეთმო როგორც საქართველოში, ისე რეგიონში ელექტრონული მმართველობის განვითარების საკითხებს, კიბერ და ინფორმაციული უსაფრთხოების პროექტებს, ასევე ამ პროექტებში ტექნოლოგიური ინოვაციების დანერგვის პროცესს.

კონფერენციის მე-2 სამუშაო დღე მთლიანად დაეთმო კიბერ და ინფორმაციული უსაფრთხოების საკითხებს. კიბერუსაფრთხოების შესახებ პრეზენტაციები გააკეთეს ამ მიმართულების მსოფლიოში აღიარებულმა ექსპერტებმა.

„ინფორმაციული ტექნოლოგიების განვითარება წარმოუდგენელია ინფორმაციული უსაფრთხოების გადაწყვეტილებების გარეშე. დღეისათვის საქართველო ელექტრონული მმართველობის განვითარების გზაზე მნიშვნელოვან ეტაპს გადის. სხვადასხვა სახელმწიფო სტრუქტურის მიერ იქმნება ინფორმაციული ტექნოლოგიებზე დაფუძნებული არაერთი მომსახურება და ამით მარტივდება და ფაქტობრივად ახალ ეტაპზე გადადის სახელმწიფოსა და მოქალაქეს შორის ურთიერთობა. ეს პროცესი კი მჭიდროდ არის დაკავშირებული ინფორმაციულ უსაფრთხოებასთან. ამდენად, კონფერენციას ამ მხრივაც დიდი მნიშვნელობა ენიჭება. ამასთანავე, როგორც ელექტრონული მმართველობის, ისე ინფორმაციული უსაფრთხოების საკითხებზე მუშაობა მონაცემთა გაცვლის სააგენტოს ერთ-ერთი ძირითადი ფუნქციაა და მოხარულები ვართ, რომ ჩვენი სააგენტო მისი დაარსებიდან მოყოლებული ამ კონფერენციის ერთ-ერთი მთავარი ორგანიზატორია“, – განაცხადა ნიკოლოზ გაგნიძემ, საქართველოს იუსტიციის სამინისტროს სსიპ „მონაცემთა გაცვლის სააგენტოს“ თავმჯდომარის მოვალეობის შემსრულებელმა.

კონფერენცია ტრადიციულად დაჯილდოების ცერემონიალით დასრულდა. წელს 15 ნომინაციაში როგორც საჯარო, ისე კერძო სექტორიდან 50-მდე პროექტი იყო წარდგენილი.



კიბერუსაფრთხოებისა და კიბერდანაშაულის სამხრეთ-დასავლეთ ევროპის მე-4 რეგიონული ფორუმი



30-31 ოქტომბერს, ბულგარეთის დედაქალაქ სოფიაში გაიმართა კიბერუსაფრთხოებისა და კიბერდანაშაულის სამხრეთ-დასავლეთ ევროპის მე-4 რეგიონული ფორუმი, რომელშიც მონაწილეობა მიიღო საქართველოს იუსტიციის სამინისტროს სსიპ „მონაცემთა გაცვლის სააგენტოს“ კომპიუტერულ ინციდენტებზე სწრაფი დახმარების ჯგუფის (CERT.GOV.GE) მენეჯერმა დავით ქვათაძემ.

დავით ქვათაძე სიტყვით გამოვიდა პანელზე, რომელიც კიბერუსაფრთხოების სფეროში საჯარო და კერძო სექტორებს შორის თანამშრომლობას ეხებოდა. იგი ასევე დაესწრო თემატურ სემინარებს, რომლებსაც „მაიკროსოფტის“, „ფეისბუქის“, „აი ბი ემისა“ და სხვა კომპანიების წარმომადგენლები უძღვებოდნენ.

„მსგავსი სახის ფორუმებში მონაწილეობა საშალებს გვაძლევს გავეცნოთ კიბერუსაფრთხოების ინდუსტრიაში არსებულ თანამედროვე გამოწვევებს, გავიზიაროთ პარტნიორი ქვეყნების გამოცდილება და უკეთ დავეგმოთ სამომავლო თანამშრომლობის გეგმები“, - განაცხადა დავით ქვათაძემ.



სამუშაო შეხვედრები ნატოს (NATO) შტაბ-ბინაში



საქართველოს იუსტიციის სამინისტროს სსიპ „მონაცემთა გაცვლის სააგენტოს“ წარმომადგენლებმა 26-28 ნოემბერს სამუშაო შეხვედრები გამართეს ბრიუსელში, ნატოს შტაბ-ბინაში.

შეხვედრები გაიმართა ჩრდილო-ატლანტიკურ ორგანიზაციაში საქართველოს მისიის წარმომადგენლებთან, ასევე ამ ორგანიზაციის სხვა სტრუქტურებში, როგორებიცაა ნატოს პროგრამა

„მეცნიერება მშვიდობისა და უსაფრთხოებისთვის“ (NATO's Science for Peace and Security Program) და ნატო-საქართველოს კომისიაში (NGC).

NATO SPS-ის წარმომადგენლებთან განხილულ იქნა საქართველოს მიერ ინიცირებული საპროექტო წინადადება კიბერუსაფრთხოების რეგიონული კვლევებისა და სწავლების ცენტრის შექმნის შესახებ. „მონაცემთა გაცვლის სააგენტოს“ წარმომადგენლებმა მოისმინეს ნატოს წარმომადგენლების შეფასებები და რეკომენდაციები, რომელთა მიხედვითაც დაგეგმილია საპროექტო წინადადების განახლება და ოფიციალური წარდგენისთვის მომზადება (გაგრძელება გვ. 4).

(გაგრძელება. დასაწყისი გვ. 3) აღნიშნულის პარალელურად, ნატო-საქართველოს კომისიის შეხვედრისას „მონაცემთა გაცვლის სააგენტოს“ სახელით გაკეთდა მოხსენება კიბერუსაფრთხოების სფეროში 2015 წლიდან დღემდე საქართველოს მიერ გადადგმული ნაბიჯების, პროგრესისა და გამოწვევების შესახებ. ნატო-ს წევრი ქვეყნების წარმომადგენლებმა ერთხმად მოიწონეს საქართველოს წარმატებული განვითარების მაგალითები. აღსანიშნავია, რომ სამომავლო პარტნიორობის ფარგლებში ხაზი გაესვა NATO's Cyber Defence Pledge-თან საქართველოს შესაძლო შეერთების საკითხის დღის წესრიგში შეტანის პერსპექტივასაც.

“CYBER-EXE საქართველო 2017” - კიბერსავარჯიშო საჯარო და კერძო ორგანიზაციების წარმომადგენლებისთვის



საქართველოს იუსტიციის სამინისტროს სსიპ „მონაცემთა გაცვლის სააგენტო“ 2017 წლის 15 დეკემბერს, სასტუმრო „რედისონ ბლუ ივერიაში“ გამართავს კიბერუსაფრთხოების მორიგ იმიტირებულ სავარჯიშოებს - “CYBER-EXE საქართველო 2017”.

აღნიშნული ღონისძიების მიზანია საჯარო და კომერციული ორგანიზაციების ინფორმაციული ტექნოლოგიების სპეციალისტების მომზადება კიბერშეტევების კრიზისული

სიტუაციებისთვის, რაც ხელს შეუწყობს ქვეყნისა და, შესაბამისად, მოქალაქეების დაცულობას ამ მიმართულებით.

აღნიშნული სავარჯიშო შეჯიბრის ხასიათს ატარებს, რომლის დროსაც თითოეული მონაწილე ორგანიზაციის გუნდი წინასწარ მომზადებული კიბერშეტევის პირობებში ახორციელებს ვირტუალური სივრცის დაცვის ოპერაციას. სავარჯიშოს შედეგად გაანალიზდება თითოეული გუნდის სუსტი და ძლიერი მხარეები და გუნდების გაძლიერების მიზნით მომზადდება რეკომენდაციები.

მსგავი ფორმატი მსოფლიოში მიღებული პრაქტიკაა და მას “წითელი და ლურჯი” ჯგუფების სავარჯიშოებს უწოდებენ.

იხილეთ ჩვენი საიტები

www.dea.gov.ge; www.my.gov.ge

მონაცემთა გაცვლის
სააგენტო

უნივერსიტეტის ქ. 50
თბილისი 0102, საქართველო
ტელეფონი: (+ 995 32) 291 51 40
ელ.ფოსტა: info@dea.gov.ge

საქართველოს იუსტიციის სამინისტრო

მონაცემთა გაცვლის
სააგენტო



თუ ხართ ახალი მომხმარებელი ან კვლავ გსურთ საინფორმაციო ფურცლის გამოწერა, გთხოვთ გამოაგზავნოთ ელექტრონული შეტყობინება მისამართზე: info@dea.gov.ge და სათაურში მიუთითოთ “Subscribe” ან დაარეგისტრირდეთ თქვენი ელექტრონული ფოსტის მისამართი ვებ გვერდზე: www.e-government.ge

თუ არ გსურთ, მონაცემთა გაცვლის სააგენტოს საინფორმაციო ბიულეტენის მიღება, გთხოვთ